



09.06.15.
[Signature]

Broj: 05-33-1-946-*M*/14
Datum: 09.06.2015. godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09), imajući u vidu svrhu preporuke o akreditaciji da se osigura koherentnost i dosljednost tumačenja standarda i kriterija s obzirom da evaluacije provode različite grupe stručnjaka, u postupku akreditacije visokoškolske ustanove Univerzitet “Džemal Bijedić“ u Mostaru, na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, nadležnom obrazovnom organu, Ministarstvu obrazovanja, nauke, kulture i sporta Hercegovačko-neretvanskog kantona Agencija za razvoj visokog obrazovanja i osiguranje kvaliteta (u daljem tekstu: Agencija) daje:

PREPORUKU

da postupi u skladu sa mišljenjem Komisije stručnjaka i donese Rješenje o akreditaciji visokoškolske ustanove Univerzitet “Džemal Bijedić“ u Mostaru

O b r a z l o ž e n j e

Dana 17. 12. 2014. godine Agencija je zaprimila od Ministarstva obrazovanja, nauke, kulture i sporta Hercegovačko-neretvanskog kantona prijedlog za imenovanje Komisije stručnjaka koji daju ocjenu i obavljaju reviziju kvaliteta i daju preporuku o akreditaciji visokoškolske ustanove Univerzitet “Džemal Bijedić“ u Mostaru (u daljem tekstu: Komisija). Nakon što je utvrđeno da se predloženi članovi Komisije nalaze na utvrđenoj Listi stručnjaka iz člana 48. alineja 3.) Okvirnog zakona i da je sastav Komisije predložen u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11) (u daljem tekstu: Odluka), Agencija za razvoj visokog obrazovanja i osiguranje kvaliteta je u skladu sa članom 49. alineja 4) Okvirnog zakona o visokom obrazovanju u Bosni i Hercegovini, imenovala Komisiju stručnjaka Rješenjem broj: 05-33-01-946-6/14, od dana 03.02.2015. godine.

Dana, 05.06.2015. godine Agenciji je dostavljen Izvještaj Komisije o eksternoj evaluaciji Univerziteta “Džemal Bijedić“ u Mostaru u kojem je data analiza, ocjena i revizija kvaliteta ove ustanove, te dato mišljenje Komisije da se akreditira visokoškolska ustanova Univerzitet “Džemal Bijedić“ u Mostaru, jer je stepen

www.hea.gov.ba, e-mail: info@hea.gov.ba

ispunjenosti svih kriterija za akreditaciju ocjenjen na temelju obezbjeđenih dokaza kao potpuno ili znatno ispunjen.

U skladu s Odlukom o normama kojima se utvrđuju minimalni standardi u području visokog obrazovanja u Bosni i Hercegovini, Komisija je ocjenila ispunjenost devet kriterija za akreditaciju ocjenama, kako slijedi:

- a) Razvoj i strategija visokoškolske ustanove: znatno ispunjen
- b) Upravljanje, unutrašnje osiguranje kvaliteta i kultura kvaliteta: potpuno ispunjen
- c) Procedure za osiguranje kvaliteta studijskih programa: potpuno ispunjen
- d) Procedure za ocjenjivanje studenata: potpuno ispunjen
- e) Ljudski resursi: znatno ispunjen
- f) Kvalitet fizičkih resursa: znatno ispunjen
- g) Informacioni sistemi: potpuno ispunjen
- h) Prezentacija informacija za javnost: znatno ispunjen
- i) Međunarodna saradnja: znatno ispunjen

Uvidom u Izvještaj Komisije utvrđeno je:


- formalna cjelovitost Izvještaja
- da je Izvještaj napisan na jednom od službenih jezika u Bosni i Hercegovini i na engleskom jeziku u skladu sa s Odlukom o normama kojima se utvrđuju minimalni standardi u području visokog obrazovanja u Bosni i Hercegovini i
- da suštinom jasno i razumljivo daje jasne ocjene ispunjenosti kriterija bazirane na dokazima, te mišljenje i preporuke za unapređenje kvaliteta po svakom kriteriju što Izvještaj čini relevantnim za izdavanje Preporuke o akreditaciji.

Na osnovu svega navedenog data je Preporuka da se postupi u skladu sa mišljenjem Komisije stručnjaka.

Ministarstvo obrazovanja, nauke, kulture i sporta Hercegovačko-neretvanskog kantona na osnovu ove Preporuke donosi Rješenje o akreditaciji Univerziteta "Džemal Bijedić" u Mostaru, te isto dostavlja Agenciji radi postupka ocjene usklađenosti Rješenja o akreditaciji s normama i kriterijima iz člana 48. Alineja 1. Okvirnog zakona o visokom obrazovanju u Bosni i Hercegovini.

Dostaviti:

- Ministarstvo obrazovanja, nauke, kulture i sporta Hercegovačko-neretvanskog kantona
- Univerzitet "Džemal Bijedić" u Mostaru
- Sektor 05
- a/a



www.heg.gov.ba, e-mail: info@heg.gov.ba

BA – 78000 Banja Luka, Ulica akademika Jovana Šrutke 13,
Tel.: +387 51 430 510, Fax: +387 51 462 302